

Broj: 06-03-755-14/143/16
Mostar, 16.12.2016. godine

Na osnovu člana 21., člana 37., člana 84. i člana 87. stav (1) i stav (2) Zakona o električnoj energiji u Federaciji Bosne i Hercegovine („Službene novine Federacije BiH“ broj 66/13 i 94/15), člana 2. Zakona o korištenju obnovljivih izvora energije i efikasne kogeneracije („Službene novine Federacije BiH“ 70/13 i 5/14), člana 20. stav (1) i člana 23. stav (1) Statuta Regulatorne komisije za energiju u Federaciji Bosne i Hercegovine („Službene novine Federacije BiH“ broj 24/14 i 91/15), člana 8. stav (1), člana 32. stav (4) i člana 42. stav (1) Poslovnika o radu Regulatorne komisije za energiju u Federaciji Bosne i Hercegovine („Službene novine Federacije BiH“ broj 29/14 i 31/16), člana 78. Pravilnika o javnim raspravama i rješavanju zahtjeva, sporova i žalbi („Službene novine Federacije BiH“ broj 57/12, 71/14 i 31/16), člana 20. Pravilnika za izdavanje dozvola („Službene novine Federacije BiH“ broj 43/14), postupajući po Zahtjevu za obnovu dozvole za snabdijevanje električnom energijom – dozvole I reda broj 06-03-755/143/16 od 30.06.2016. godine podnosioca zahtjeva JP Elektroprivreda BiH d.d. – Sarajevo, Vilsonovo šetalište broj 15, Sarajevo, Regulatorna komisija za energiju u Federaciji Bosne i Hercegovine – FERK je 16.12.2016. godine na XXIV redovnoj sjednici donijela sljedeće

RJEŠENJE

1. Izdaje se Dozvola za snabdijevanje električnom energijom - dozvola I reda podnosiocu zahtjeva JP Elektroprivreda BiH d.d. – Sarajevo.
2. Dozvola se izdaje na period od 01.01.2017. godine do 31.12.2021. godine, sa uslovima dozvole koji čine njen sastavni dio.
3. Sastavni dio ovog rješenja čini dozvola iz tački 1.i 2. ovog rješenja.
4. Imalac dozvole je obavezan plaćati regulatornu naknadu u periodu važenja dozvole na način i u iznosu koji utvrdi FERK posebnom odlukom.
5. Ovo rješenje je konačno, te se objavljuje na oglasnoj tabli i internet stranici FERK-a, a dispozitiv ovog rješenja u „Službenim novinama Federacije BiH“.

Obrazloženje

FERK je 30.06.2016. godine primio od podnosioca JP Elektroprivreda BiH d.d. – Sarajevo Zahtjev za obnovu dozvole za snabdijevanje električnom energijom - dozvole I reda pod brojem 06-03-755/143/16, dok je 18.07.2016. godine pod brojem 06-03-755-01/143/16 zaprimljena i dopuna istog.

Prilikom pregleda potpunosti podnesenog zahtjeva, u skladu sa članom 9. Pravilnika o javnim raspravama i rješavanju zahtjeva, sporova i žalbi, FERK je utvrdio da podneseni zahtjev nije potpun u smislu člana 12., člana 22. i člana 25. Pravilnika za izdavanje dozvola. Zbog navedenog FERK je, postupajući u skladu sa članom 10. Pravilnika o javnim raspravama i rješavanju zahtjeva, sporova i žalbi i članom 12. Pravilnika za izdavanje dozvola, podnosiocu zahtjeva 19.07.2016. godine pod brojem 06-03-755-02/143/16 uputio Obavještenje o nedostacima podnesenog Zahtjeva za obnovu dozvole za snabdijevanje električnom energijom - dozvole I reda i odredio mu rok od osam dana radi otklanjanja uočenih nedostataka navedenih u obavještenju. Postupajući po obavještenju, podnosilac

zahtjeva je dostavio dopise primljene u FERK 01.08.2016. godine pod brojem 06-03-755-03/143/16 i 16.08.2016. godine pod brojem 06-03-755-04/143/16 uz koje je dostavio dio tražene dokumentacije i obrazloženja. U cilju cjelovitog upotpunjavanja dostavljene dokumentacije, FERK je podnosiocu zahtjeva 14.09.2016. godine pod brojem 06-03-755-05/143/16 uputio Zahtjev za informacijama, povodom kojeg je podnosilac zahtjeva dostavio u FERK dopise primljene 26.09.2016. godine pod brojem 06-03-755-06/143/16 i 30.09.2016. godine pod brojem 06-03-755-07/143/16 uz koje je dostavio traženu dokumentaciju i obrazloženja.

Zbog navedenog FERK je postupajući u skladu sa članom 15. Pravilnika za izdavanje dozvola, 25.10.2016. godine u dnevnim novinama i na svojoj internet stranici objavio Obavještenje za javnost o podnesenom Zahtjevu za obnovu dozvole za snabdijevanje električnom energijom - dozvole I reda podnosioca zahtjeva JP Elektroprivreda BiH d.d. – Sarajevo. Povodom Obavještenja za javnost, FERK do roka naznačenog u obavještenju odnosno do 02.11.2016. godine do 12:00 sati nije primio pisane komentare zainteresovanih lica na podneseni zahtjev, niti su podneseni zahtjevi za sticanje statusa umješača.

Na osnovu provedenog postupka tokom kojeg je izvršena pažljiva analiza svih činjenica i podnesenih dokaza na osnovu kojih se moglo utvrditi stanje stvari, FERK je u skladu sa članom 17. stav (2) i stav (3) Pravilnika za izdavanje dozvola, pripremio Nacrt dozvole za snabdijevanje električnom energijom - dozvole I reda po zahtjevu broj 06-03-755/143/16 od 30.06.2016. godine podnosioca zahtjeva JP Elektroprivreda BiH d.d. – Sarajevo. Na osnovu člana 92. stav (2) Zakona o električnoj energiji u Federaciji Bosne i Hercegovine, FERK je Odlukom broj 06-03-755-09/143/16 od 08.11.2016. godine usvojio Nacrt dozvole za snabdijevanje električnom energijom - dozvole I reda, dok je Odlukom FERK-a broj 06-03-755-10/143/16 od 08.11.2016. godine ovaj nacrt upućen u proces javne rasprave, te je određeno mjesto, datum i vrijeme održavanja opšte rasprave o predmetnom Nacrtu dozvole za snabdijevanje električnom energijom - dozvole I reda, imenovan voditelj postupka i zamjenik voditelja postupka, kao i da zainteresovana lica svoje usmene komentare na Nacrt dozvole za snabdijevanje električnom energijom - dozvole I reda mogu dati na opštoj raspravi koja je održana 21.11.2016. godine u 10:30 sati, u prostorijama FERK-a u Mostaru, a pisani komentari su se mogli dostaviti na adresu FERK-a ili na elektronsku adresu, u periodu od 09.11.2016. godine do 22.11.2016. godine do 12:00 sati.

Opštoj raspravi o Nacrtu dozvole za snabdijevanje električnom energijom - dozvole I reda prisustvovali su predstavnici FERK-a i podnosioca zahtjeva. Predstavnici podnosioca zahtjeva su dali komentare na tačke: 3.3.; 4.10.2.; 4.2. i 4.7. nacrta, dok na ostale dijelove nacrta nisu dali komentare.

Do ostavljenog roka za dostavu pisanih komentara, odnosno do 22.11.2016. godine do 12:00 sati u FERK su pod brojem 06-03-755-11/143/16 primljeni pisani komentari podnosioca zahtjeva na Nacrt dozvole za snabdijevanje električnom energijom - dozvole I reda, koji su pored komentara datih na opštoj raspravi sadržavali i dodatne komentare. U svojim pisanim komentarima podnosilac zahtjeva je u vezi sa tačkom 3.3. nacrta predložio da se u Prilogu 1. Područje djelovanja u Zeničko-dobojskom kantonu proširi i na dijelove opštine Usora. Za tačku 4.2.1. predloženo je da se ista dopuni na način da postoji mogućnost regulisanja pitanja korištenja distributivne mreže internim aktom u okviru JP Elektroprivreda BiH d.d. – Sarajevo obzirom da ODS još nije registrovan kao posebno pravno lice. Dalje je predloženo za tačku 4.5.2. da se za kupovinu električne energije unutar Bosne i Hercegovine zadrži ista formulacija kao u važećoj dozvoli, odnosno da se ista precizira ukoliko se radi o

nabavci električne energije iz obnovljivih izvora, dok je za tačku 4.7.1. predloženo da se za ugovaranje očitavanja i dostave mjernih podataka zadrži mogućnost regulisanja internim aktom u okviru JP Elektroprivreda BiH d.d. – Sarajevo obzirom da ODS još nije registrovan kao posebno pravno lice. U tački 4.10.2. je predloženo zadržavanje radnog vremena kao u važećoj dozvoli, dok je u tački 6., a u vezi sa podtačkama 6.4. i 6.5., predloženo da se za razdvajanje djelatnosti zadrži ista formulacija kao u važećoj dozvoli do donošenja svih propisa kojima će biti regulisano prestrukturiranje elektroenergetskog sektora. Za naslov tačke 14. predloženo je da se zadrži postojeći naslov uzimajući u obzir da je cijena za domaćinstva, koja se trenutno sva napajaju putem dozvola I reda, u značajnoj mjeri subvencionirana od strane drugih kupaca koja se napajaju putem dozvole II reda, JP Elektroprivreda BiH d.d. - Sarajevo zbog niske cijene za domaćinstva trenutno posluje negativno po osnovu rada unutar dozvole I reda, te da je od 01.01.2016. godine tržište električne energije „realno otvoreno“, kao i da bi dodatno uvođenje obaveza elektroprivrednim kompanijama kroz strožije uslove propisane nacrtom dodatno otežalo rad jer je predložen značajan dio obaveza koje zahtijevaju značajna finansijska sredstva i vrijeme za realizaciju istog. Navedeni komentari su bili i jedini pisani komentari koji su u ostavljenom roku stigli na tekst nacrtu dozvole.

U skladu sa članom 26. Pravilnika o javnim raspravama i rješavanju zahtjeva, sporova i žalbi i članom 19. Pravilnika za izdavanje dozvola, a na osnovi održane opšte rasprave, voditelj postupka pripremio je pisani izvještaj, koji je sadržavao kratak pregled toka rasprave, zapisnik sa opšte rasprave, komentare, analizu datih komentara i preporuke, te je iste uputio podnosiocu zahtjeva na komentare 28.11.2016. godine pod brojem 06-03-755-12/143/16.

Podnosilac zahtjeva je povodom navedenog FERK-u dostavio 05.12.2016. godine dopis primljen u FERK pod brojem 06-03-755-13/143/16, u kojem je naveo da nakon sagledavanja prihvaćenih/neprihvaćenih prijedloga i argumentacije za isto još jednom moli FERK da sagleda ranije prijedloge koji se odnose na tačke 4.2.1.; 4.7.1.; 6. i 14. nacrtu zbog objektivnih okolnosti koje je podnosilac zahtjeva dostavio u svojim prijedlozima.

Izvještaj voditelja postupka sa komentarima podnosioca zahtjeva dostavljen je članovima FERK-a 09.12.2016. godine pod internim brojem 06-08-1385/16, na razmatranje radi donošenja odluke.

Prilikom odlučivanja FERK je razmotrio Zahtjev za obnovu dozvole za snabdijevanje električnom energijom - dozvole I reda podnosioca JP Elektroprivreda BiH d.d. – Sarajevo i dokumentaciju priloženu uz zahtjev, te analizirao postupak opšte rasprave kao i komentare podnosioca zahtjeva date u postupku opšte rasprave, odnosno izvještaj voditelja postupka i komentare podnosioca zahtjeva na izvještaj voditelja postupka. Komentare podnosioca zahtjeva FERK je pažljivo analizirao, te uvažio u onoj mjeri koliko je to bilo moguće u skladu sa Zakonom o električnoj energiji u Federaciji Bosne i Hercegovine, Odlukom o utvrđivanju pružalaca javne/univerzalne usluge i usluge rezervnog snabdjevača („Službene novine Federacije BiH“ broj 84/14), Pravilnikom za izdavanje dozvola („Službene novine Federacije BiH broj 43/14), Opštim uslovima za isporuku električne energije („Službene novine Federacije BiH“ broj 89/14) i Pravilnikom o snabdijevanju kvalifikovanih kupaca električnom energijom i postupku promjene snabdjevača („Službene novine Federacije BiH“ broj 89/14) ali i Privremenim smjernicama elektroenergetske politike Federacije Bosne i Hercegovine („Službene novine Federacije BiH“ broj 80/14), kao i drugim relevantnim zakonskim i podzakonskim aktima, zbog čega i nisu mogli biti uvaženi komentari vezani za tačke: 4.2.1.; 4.5.2.; 4.7.1.; 6.4. i 14. FERK je takođe utvrđivao i činjenice da li podnosilac zahtjeva ispunjava tehničke i druge uslove, te svojim kapacitetom osigurava svu potrebnu električnu

energiju i snagu za snabdijevanje svojih krajnjih kupaca u obimu dovoljnom za njihovo sigurno snabdijevanje, kao i druge uslove utvrđene Zakonom o električnoj energiji u Federaciji Bosne i Hercegovine i pravilnicima FERK-a, što je podnosilac dokazivao priloženom dokumentacijom. FERK je posvetio pažnju i činjenici u kojoj mjeri je podnosilac zahtjeva ispunio uslove koji su bili postavljeni pred JP Elektroprivreda BiH d.d. - Sarajevo u Dozvoli za rad-licenci za obavljanje elektroprivredne djelatnosti snabdijevanja električnom energijom prvog reda broj 06-03-655/22/11 od 14.12.2011. godine. FERK je kod odlučivanja posebno u obzir uzeo obavezu podnosioca zahtjeva iz člana 14. Zakona o električnoj energiji u Federaciji Bosne i Hercegovine da djelatnost snabdijevanja električnom energijom prvog reda obavlja funkcionalno razdvojeno od drugih elektroprivrednih i neelektroprivrednih djelatnosti koje obavlja i vodi poslovne knjige i računovodstvo za licenciranu djelatnost odvojeno od drugih elektroprivrednih i neelektroprivrednih djelatnosti koje obavlja i sačinjava odvojene finansijske izvještaje, odnosno dosadašnje aktivnosti provedene u vezi navedenog. Sve navedeno predstavlja razlog određenih uslova, uključujući izradu plana aktivnosti sa dinamičkim okvirom za konačno razdvajanje internog računovodstva vertikalno integrisanog društva, kao i razdvajanje poslovnog upravljanja, koje je FERK, u dozvoli koja je predmet ovog rješenja, postavio podnosiocu zahtjeva, u skladu sa Zakonom o električnoj energiji u Federaciji Bosne i Hercegovine, članom 32. i članom 35. Pravilnika za izdavanje dozvola, ali i drugim relevantnim zakonskim i podzakonskim aktima. Spomenuti uslovi uvažavaju potrebu, ali i obavezu JP Elektroprivreda BiH d.d. - Sarajevo da u rokovima propisanim u uslovima dozvole za rad iste ispuni, u cilju zadovoljenja opštih i posebnih kriterija propisanih članom 87. stav (1) Zakona o električnoj energiji u Federaciji Bosne i Hercegovine, odnosno iz člana 27. i člana 30. Pravilnika za izdavanje dozvola i Odlukom o utvrđivanju pružalaca javne/univerzalne usluge i usluge rezervnog snabdjevača.

Na osnovu navedenog, odlučeno je kao u dispozitivu ovog rješenja.

POUKA O PRAVNOM LIJEKU:

Protiv ovog rješenja podnosilac zahtjeva može tužbom pokrenuti upravni spor kod Kantonalnog/Županijskog suda u Mostaru u roku od 30 dana od dana prijema rješenja. Tužba se predaje sudu direktno ili mu se šalje poštom preporučeno. Tužba se može izjaviti i na zapisnik kod navedenog suda ili bilo kojeg drugog suda.

v.d. PREDSDJEDNICE FERK-a
Vlادنka Milović